



01/2-50-4  
Bosnia and Herzegovina  
Federation of Bosnia and Herzegovina  
**ZENICA-DOBOJ CANTON**  
CANTON ASSEMBLY

Broj: 01-02-30213-1/11  
Zenica, 06.12.2011. godine



PRIMLJENO: 09-12-2011			
Organizaciona jedinica	Klasifikaciona oznaka	Redni broj	Broj priloga
01-50-1-15-14/11			

**BOSNA I HERCEGOVINA**  
**PARLAMENTARNA SKUPŠTINA BIH**  
**ZASTUPNIČKI DOM/PREDSTAVNIČKI DOM**  
*n/r predsjedavajućeg Denisa Bećirovića*


**PREDMET:** Odgovor na Inicijativu - dostavlja se  
**Veza:** vaš akt broj: 01/a-50-1-15-14/11 od 29.11.2011. godine

Aktom veze broj i datum gornji i od Skupštine Zeničko-dobojskog kantona zatražili ste odgovor na poslaničku inicijativu poslanice Ismete Dervoz koju je uputila poslanicima i delegatima na svim nivoima vlasti u Bosni i Hercegovini na 14. sjednici Predstavničkog doma Parlamentarne Skupštine BiH održanoj 29.11.2011. godine, kojom je, u povodu 25. novembra koji se u svijetu obilježava kao Dan borbe protiv nasilja nad ženama i nasilja u porodici, pozvala sve poslanike i poslanice na svim nivoima u BiH, da u toku akcije „16 dana aktivizma“, daju doprinos promociji značaja implementacije Zakona o ravnopravnosti spolova i njegovom usklađivanju sa zakonima u BiH.

S tim u vezi, obavještavamo Vas da je na dan održavanja 15. sjednice Skupštine Zeničko-dobojskog kantona, 30.11.2011. godine svim poslanicima Skupštine Kantona dostavljen akt Gender centra Vlade Federacije BiH broj: 02-05-678-2/11 od 23.11.2011. godine, (u prilogu kojeg su bile bijele vrpce), kojim se pozivaju svi muškarci, predstavnici zakonodavne vlasti da u periodu od **25.11. do 10.12.2011. godine**, koji se u okviru Međunarodne kampanje obilježava kao period „16 dana aktivizma protiv nasilja nad ženama“, **nošenjem bijele vrpce** koja predstavlja **muško NE nasilju nad ženama**, daju podršku toj kampanji, čime se ujedno obavezuju da nikada ne počine, opravdaju ili prešute nasilje nad ženama i djevojčicama.

Tog dana, simboličnim stavljanjem bijelih vrpce, svi muški poslanici Skupštine Zeničko-dobojskog kantona su podržali navedenu kampanju, a nadamo se da će u periodu njenog trajanja, dati svoj doprinos aktivnostima koje se budu provodile s ciljem podizanja svijesti o uticaju nasilja, kako na porodicu tako i na širu društvenu zajednicu, te da će u svom budućem radu, shodno svojim poslaničkim dužnostima, davati puni doprinos promociji značaja implementacije Zakona o ravnopravnosti spolova i njegovom usklađivanju sa zakonima u BiH.

S poštovanjem!

  
**PREDSJEDAVALAČI**  
*Miralem Galijašević*

Dostavljeno:  
 Naslovu  
 U predmet

BOSNA I HERCEGOVINA  
CENTRALNA IZBORNA KOMISIJA  
SREDIŠNJE IZBORNO POVJERENSTVO



БОСНА И ХЕРЦЕГОВИНА  
ЦЕНТРАЛНА ИЗБОРНА КОМИСИЈА

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 22-12-2011			
Organizaciona jedinica	Klasifikaciona oznaka	Redni broj	Broj priloga
01-50-1-15-14/11			11

Broj: 05-2-07-8-966-77/11  
Sarajevo, 21.12.2011. godine  
(A.R)

**PARLAMENTARNA SKUPŠTINA  
BOSNE I HERCEGOVINE  
ZASTUPNIČKI /PREDSTAVNIČKI DOM**  
Trg BiH 1  
71000 Sarajevo  
n/r Denisa Bećirovića, predsjedavajućeg

### **PREDMET: ODGOVOR NA POSLANIČKO PITANJE**

Vašim aktom broj: 01/a-50-1-15-14/11 od 29.11.2011. godine, dostavili ste na nadležni postupak poslaničko pitanje koje je poslanica Ismeta Dervoz postavila na 14. sjednici Predstavničkog doma Parlamentarne skupštine Bosne i Hercegovine, održanoj 24.11.2011. godine.

Centralna izborna komisija Bosne i Hercegovine daje odgovor na postavljeno poslaničko pitanje, kako slijedi:

#### **Pitanje:**

Zašto nemamo odgovor na postavljena pitanja vezana za postojanje ili nepostojanje sukoba interesa za člana Ureda za razmatranje žalbi koji je u statusu stručnjaka upravnog prava.

#### **Odgovor:**

Dana 12. 08.2011. godine Centralna izborna komisija Bosne i Hercegovine je primila inicijativu Ureda za razmatranje žalbi, broj: 01-53-244/11 od 11.08.2011. godine i dopune inicijative broj: 01-53-244/11 od 22.08.2011. godine i broj: 01-07-3-244/11 od 26.08.2011. godine, kao i dana 31.08.2011. godine Zaključke Zastupničkog/Predstavničkog doma Parlamentarne skupštine Bosne i Hercegovine, broj: 01/a-50-1-15-8/11 od 29.08.2011. godine, kojima je traženo da Centralna izborna komisija Bosne i Hercegovine ispita eventualni sukob interesa članova Ureda za razmatranje žalbi.

Centralna izborna komisija Bosne i Hercegovine je odmah pristupila provjeri navoda iz prijave s obzirom na to da su postojale indicije o eventualnom kršenju odredaba Zakona o sukobu interesa u institucijama vlasti Bosne i Hercegovine te smo zatražili od svih

relevantnih institucija da nam dostave podatke na osnovu kojih će se utvrditi stvarno činjenično stanje. U toku je postupak prikupljanja podataka i do sada smo odgovore dobili od svih institucija izuzev od Ministarstva finansija i trezora Bosne i Hercegovine od kojeg smo tražili dodatne podatke.

Tek nakon što kompletiramo dokumentaciju bićemo u mogućnosti da donesemo odluku o tome da li ima elemenata za pokretanje postupka zbog kršenja odredaba Zakona o sukobu interesa u institucijama vlasti Bosne i Hercegovine.

S poštovanjem,

Predsjednik

Branka Petrić



Dostaviti:

- Naslovu
- Ismeti Dervoz
- a/a



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2461/11  
Sarajevo, 24.2.2012. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 27-02-2012

Organizaciona jedinica	Klasifikaciona oznaka	Redni broj	Broj priloga
01-50-1-15		14	M.

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na pitanje koje je postavila Ismeta Dervoz, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,

**GENERALNI TAJNIK**  
*Zvonimir Kutleša*





**BOSNA I HERCEGOVINA  
VIJEĆE MINISTARA**

Broj: 05-50-1-2461/11  
Sarajevo, 23.2.2012. godine

Predstavnički dom Parlamentarne skupštine Bosne i Hercegovine zatražio je od Ministarstva pravde Bosne i Hercegovine da dostavi odgovor na poslaničko pitanje, poslanice u Predstavničkom domu Parlamentarne skupštine Bosne i Hercegovine, Ismete Dervoz koje je postavljeno na 14. sjednici Predstavničkog doma održanoj 24.11.2011. godine, te koje glasi:

**"Zašto i nakon tri mjeseca od zaključka Predstavničkog doma Parlamentarne skupštine BiH nije formirana radna grupa?"**

Na postavljeno pitanje, Vijeće ministara Bosne i Hercegovine je na 2. sjednici održanoj 23.2.2012. godine, utvrdilo sljedeći

**ODGOVOR**

Generalni sekretarijat Vijeća ministara BiH je aktom broj: 05-07-1-1926-46/11 od 11.10.2011. godine obavjestio Ministarstvo pravde BiH i Ministarstvo finansija i trezora BiH da je Vijeće ministara na 163. sjednici održanoj 10.10.2011. godine, upoznato sa zaključkom Predstavničkog doma Parlamentarne skupštine BiH sa 8. sjednice, povodom rasprave o izvještaju o radu Ureda za razmatranje žalbi za 2010. godinu, a kojim su konstatovani problemi u radu Agencije za javne nabavke BiH i Ureda za razmatranje žalbi.

S tim u vezi, zaduženo je Ministarstvo pravde BiH da, u saradnji sa Ministarstvom finansija i trezora BiH, za Vijeće ministara BiH pripremi Prijedlog odluke o formiranju Radne grupe koja će analizirati stanje u Agenciji za javne nabavke BiH i Uredu za razmatranje žalbi, te predložiti rješenja za prevazilaženje problema u njihovom radu.

Shodno naprijed navedenom, a imajući u vidu kompleksnost materije, Ministarstvo pravde BiH je uputilo akt broj: 08-07-25-10468-2/11 od 16.11.2011. godine, u kome je naveden zaključak Predstavničkog doma Parlamentarne skupštine BiH, odnosno Vijeća ministara BiH i predloženo da nadležne institucije, odnosno Ministarstvo finansija i trezora BiH, Agencija za javne nabavke BiH i Ured za razmatranje imenuju, ispred svoje institucije, predstavnika/e u Radnu grupu, kako bi se pripremila Odluka o imenovanju Radne grupe, koju će donijeti Vijeće ministara BiH.

Nakon što su naprijed navedene institucije dostavile imena članova Radne grupe, shodno nadležnostima utvrđenim zakonom, Ministarstvo pravde BiH je pripremlilo Prijedlog odluke o imenovanju Radne grupe za realizaciju zaključka Predstavničkog doma sa 8. sjednice održane 25.08.2011. godine.

Vijeće ministara BiH je na 169. sjednici održanoj 21.12.2011. godine usvojilo Prijedlog odluke o imenovanju Radne grupe za realizaciju zaključka Predstavničkog doma sa 8. sjednice održane 25.08.2011. godine, koja ima zadatak da, u roku od 60 dana od dana održavanja konstitutivne sjednice, analizira stanje u Agenciji za javne nabavke BiH i Uredu za razmatranje žalbi, te predloži rješenja za prevazilaženje problema u njihovom radu.